

Paul e Clau

La tschunavla fatga

Tgi ch'el vitg ni el marcau,
Ha in aug u parentau,
Seigi gentils e curteseivels
e leutier empau savieivels.
La damaun dai il "bien gi!"
La manutta tonscha vi.
E damonda gl'aug lu er,
Sch'el vegli pipa, ni tschendrer.
Ha'l che morda brav si dies,
Lu sgartei, fagei il vies
Cun premura tut pulit,
Ch'il mal tschessi lu beinschit.
Sto igl aug sco in barbar
Dalla presa sturnidar;
"Gidi Dieus!" din ins sil fiat,
"Paghi Dieus!" risposta dat.
Vegn el forsa tard a ca,
Stai po buca sc'in otgà!
Per las tschappas va sil fletg,
lezzas emblid'el gnanc enta letg.
La camischa, senza flép,
La capetscha er da lep,
Mo rabetscha neunavon,
E ti gidas in bionton!
Cuort, ins sestenta fetg pilver
D'agl aug Sievi far plascher.
Paul e Clau ein d'otra pasta.
Els han auters plans e basta!

Tut tgi ch'ha gia gidau arar
Da buccarias sa er relatar.



Per las plontas senza paus
Sgolan quels fasierlis baus.



Ils dus gnaulis lumbarduns,
Scrolan neuagiu mantuns.




Dus scarnuzs han ils fallius
Fullanau culs baus futius.




E silsuenter ils malons,

Mess agl aug lu sut ils ponns.



Igl aug Sievi a bun'ura
Va a letg e runca lura.

En in hui e senza plans,
Ei igl aug vi tiels da Schlans.



Sul tapet las buccarias
Tut en corda van, las strias.



Ina sguozia lu da miervi
Sul nas d'aug Sievi vi.



„Au!“ gresch'el da murtirau,
quei cheu ei nuot nuotzun d'engrau.



Orda letg sco in paliet
Seglia gl'aug vilas sc'in tgiat.



"Au!" – gia senta el puspei
A murdend vid tgau e pei!



Vidaneu, entuorn entuorn,
Sgol'e morda ei da stuorn.



Il bien aug fa tut empaglia
E zappetscha la canaglia.

La cambrola cuoz'in brav mument,
Mo gl'aug Sievi vegn suren.



E finida la uiara
Ils baus ein stagn ventschi per tiara.



Igl aug Sievi, lez ha claus
Ses dus tschits – e giu ruaus.

Numero tschun ei strusch targada,
Che numero sis ei gia preparada.